

Contd..

10. Pu Vendam,	Central Church, Compound Veng,
11. Pu Haudal,	Nghathal
12. Pu Khamlianqhual,	Nghathal
13. Pi Mary Vaiphei,	Nghahal
14. Upa Paukholam	Nghathal
15. Pu Tongzahem	Nghathal
16. Pi. Nunmawi	Ngahthal
17. Pu Kaikhram	Saipum
18. Pu Pauthianlal @ Mengpu,	Saipum
19. Upa Ginneithang,	Saipum
20. Pu Donggen	Saipum
21. T.Upa. Lallawmthang	Saipum
22. Upa Kaijuanthang	Tangmual
23. Rev. Haulalven	Tangmual
24. Pu Gomang	Tangmual
25. Pu Kamneilal	Tangmual
26. Pu Kaisawmlal	Tangmual
27. Pu Thangneilun	Tangmual
28. Pi Niangphal	Bisanmual

Zia achung ah kitaklang Malsawmna na lopitak sem, Amau haw zal ahi ei un DAMNA AW hi man tawmcha' ila chawk thei uh ahi zia kin i kipaknau asang mama ah, achung un kipak thu i genlo theilo uh ahi. Lalpa'n ale tam tak in malsawm to zel ta uhen!

Damna Aw monthly magazine hi tutiang ahin kochuamte'n phungvukna i bawlte'u ziaka hin chiazal i hui a, kuale phungvukna bawl utte a ding in bangtik lai in le bawlthei zing ahi.

- (i). Patron member- Kum 3 (three) a ding in ₹. 3,000/-
- (ii). Supporting member- Kum 1(one) a ding in ₹. 1,000/-
- (iii). Memorial Gift- Kum 1(one) a ding in ₹. 1,000/-
- (iv). Encourager- Kum 1(one) a ding in ₹. 500/-

Chun, sum thawt nuamte a ding in:

A/C name: Khuga Sadar Presbytery(MPCS)

A/C nos: 32483318505

Branch code: 6182, ccpur

CIF nos: 86412486695

IFSC nos: SBIN0006182.

~Editor, 'Damna Aw'



Khristmas hi Pathian zia kilatni ahi.

Damna Aw ngainatute zosia Khristmas chibai ka hun buk hi!

Lalpa puina zal in Khristmas 2018 melmuthei dinga i um tak zia kin Lopina leh chawihawina changta hen. Jesu Khrista pianni thu ahin kochuam masate lakin ngaidan chuam chuam a um tak zia kin Khristmas mat ni hi kochuamte lakin kibatlona a um in, zia kachun, 25th December a mang pawl, 6th January tha mang pawl leh February tha ah mang pawl a k ium tai. Chun, a pian kum sim dan thu inle Bible in a kum a genkhak taklo zia kin sutdan leh pawmdan chuam chuam a um kit hi.

Rome Sorkar chindan Khristmas i matsek un um in kum 14 dana min simna zia nei ding ahi. Khristmas hi (census) a gamsung in a nei nunawp mai ahi pua, Pathian sek in, zia chu BC 8 leh 6 AD Zia leh a mite a hepi dan kilatna ahi ngal a.

1. Jesu Khrista chu Messiah ahi:

“Simon Peter in a dawnhu a, Messiah, Pathian Hing Chapa chu la hi” atia (Mat.16:16). Jesu nungzuite pawmdan kibanglo in a um hi.

chun Messiah ahi dan chu a bang hitaleh, kochuamte a dinga pawimaw chu pawm maleu, a pian masang pianni leh kum sangin a hung in Judate chun mi chuam chuang hi Pathian chapa Khrista, mihingte hawl ah hukdam uamte chu Messiah hiding a dinga hungpa hi a hizaw'i. la gingcha'u hi. Matthai leh Jesu Khrista chu David khanggui a sut in Messiah ahi dan a sutdawk un, Peter in le

Messiah ahidan a puangdaw-ka, ziakachun, Jesu'n," van ah ka Pa'n a hun hiatsak ahizawi" a ti hial hi.

Midangte'n Jesu Khrista chu Messiah, a hung dingpa chu la hem tia a dawt lai un, Jesu Khrista chu, "Kengbaite keng in a chiatau in, mitthumte'n mitvakna a nei tau" atia. Messiah a hidan chu ama negeile a kigen langta'i.

Jesu Khrista chu Messiah Pathian Hing Chapa ahi. Hatlote'n hatna i nei ua, thagau lama mitthumte'n mitvakna i neina ding ua hung chu ahi.

2. Pathian, mihinga hung piang ahi:

"Pathian Chapa changkhat neisun chu a hina gual tak in, hepina leh thutak a dim in I la mu'u ahi" (Jn 1:14).

Pathian, mihinga hung piang ahi tithu ahin gingchak jiang chu thil haksa ahi theina a um hi. Mi khenkhatte'n Pathian chu a kisang danglam thei puai. Pathian chu mihing mai mai ahi pu'a'n, mihing le Pathian ahi thei puai, tia ngaidan nei a um u'i. Chuleh khenkhatte'n mihinga a hung piang vang in

a kisang danglam ahi pu'a'n, mihing hina neisa ahi ti lawi a um u'i. Mihing hina neisa ahi chun Pathian mihing a hung piang hi titheilo ding ahi. Zia chu ahi chun "Incarnation" i tiu hin umzia neilo ding ahi. Pathian, mihing a hung piang ahile Pathian chu kisang danglam thei tina ahin, kisang danglam in mihing in a hung piang hi tihi gingchak ding ahi.

Pathian in a thumai in le a ut ut abawl thei hi. Genesis lama chun "*vak um hen*" ti mai inle vak chu a um jiang hi. Zia guala chun, mihingte'n le hukdamna i neina dingun "*hukdam in um uh hen*" ti jiang le kilawm ahi. Ahinla, Pathian in ama kibatpi ah ei siamte hi gitlona suaka tang i hitak ziakun ama anga thiangtho taka i um theina ding un kithawina a pawimaw tai. Ziakachun Israelte chun belamno thisan in kithawina ala bawl sek ui. Ahiz-iaikin, gan thuisan ah kithawina chun kumtuang a dai pua, khattvei thu ah kithawina chu kumtuang a ding in Pathian in a chapa Khrista chu ei hun peta ahi. Khrista thisan zal a thiam i chan theina ding un Pathian in

'DAMNA AW' PHUNGVUKTUTE :

PATRON MEMBERS :

- | | |
|-----------------------|----------------------|
| 1. Pu P.Vaiphei IAS, | Imphal |
| 2. Upa Henthianthang, | S.Kotlian |
| 3. T.Upa Haulallawm | S.Kotlian |
| 4. Upa Laltinkhup, | HQ. Church, Tuibuang |
| 5. Pi Manliankim, | HQ. Church, Tuibuang |
| 6. Nk. Lalsangpui, | S.Kotlian |
| 7. Upa D. Mina, | Lingsiphai |
| 8. T.Upa Ph. Gena, | Lingsiphai |
| 9. Pu. Khamlal | Saipum |
| 10. Pu Khamliankap | Saipum |
| 11. Pu. S.Kapbawi | New Delhi |

MEMORIAL GIFT :

- | | |
|---------------------|--|
| 1. Pi Deem Melody, | Central Church, (Rengkai)
<i>[in loving memory of (L) Upa Lamthianlal]</i> |
| 2. Pi Rebekah | Kangvai
<i>[In loving memory of (L) Pastor Khaivung]</i> |
| 3. Upa Liansomthang | Lingsiphai
<i>[In loving memory of (L) Pu. Henzagen]</i> |

SUPPORTING MEMBERS :

- | | |
|-----------------------|-----------------|
| 1. Upa Khomlunlal | S.Kotlian, |
| 2. Pu. S.Thangminlian | Lingsiphai, |
| 3. Pu Lelboi, | Lingsiphai |
| 4. T.Upa Lalneilian | Central Church, |
| 5. Pu EL Soson | Central Church |
| 6. T.Upa Genminthang, | Central Church, |
| 7. Pi Kimneihawi | Saipum |
| 8. T.Upa J. Mark | Saipum |
| 9. Pu Genthiankap, | Nghathal |
| 10. Pu Lianzakhup | Nghathal. |

ENCOURAGERS :

- | | |
|------------------------|--------------------------------|
| 1. Pu P. Kamneilian, | Lingsiphai |
| 2. Pastor Kaiminlian, | L. Saronphai |
| 3. Upa K.Thanga, | Kangvai |
| 4. T.Upa Manglem, | Kangvai |
| 5. Upa S.Bela Capvung, | Kangvai |
| 6. T.Upa David, | HQ Church, Tuibuang |
| 7. T.Upa Khupneu, | HQ Church, Tuibuang |
| 8. T.Upa Zamthamuan | HQ Church. Tuibuang |
| 9. Pu Lamthianlun, | Central Church, Compound Veng, |

PHUNGVUKTU KIBELAP ZEL

Pathian zal in mapuina “DAMNA AW” hi issue 10na tiang tungthei ding dinmun ah i um ziak un Lalpa chu pakin um ta hen! Tuchung ahin le “DAMNA AW” panpina dinga tawmngai hun suate suklat ding a um kita, ziate chu:-

- (i) Rev S.T.Kaia Vaiphei of Nghathal- **Supporting Member**
- (ii) Upa. Nehneithang of Leilon -**Encouraging Member**
- (iii) Upa Khupmangl of Leilon - **Encouraging Member**
- (iv). Pi. Hawiniang of Leilon - **Encouraging Member**
- v). Upa Tongneilal of Leilon - **Encouraging Member**
- vi). Upa Thangmang of L. Champhai - **Encouraging Member**
- vii). Upa Kamlam of L.Champhai - **Encouraging Member**
- viii). Upa S.T. Siam of L. Mission Veng - **Encouraging Member**
- ix). Pu. Seidam of L. Mission Veng - **Encouraging Member**
- x). Pu. Hentinmang of L. Mission Veng - **Encouraging Member**
- xi). Pu. Malzawl of L. Mission Veng - **Encouraging Member**
- xii). Pu. L.K. Vaiphei of L. Mission Veng -**Encouraging Member**
- xiii). Pu. Lemlian of L. Mission Veng - **Encouraging Member**

A chung ah kitak lang malsawmna ziaka na lopi tak mai semte haw zal ahin ‘DAMNA AW’ hi man tawmcha i la chawkei thei uh ahi ziak in i kipaknau a sang mama ah, a chung un kipak thu i genlo theilo uh ahi.

Editorial Board.

a chapa changkhat neisun chu itlo in ei hung petai. Zia chu ahi Pathian, mihinga a a hung pianlawna pen tak chu.

3. Chamna Khrista ahi:

Jesu Khrista hi chamna siamtu ahi ti lampi chuam chuam in le genthei in a. Jesu Khrista Khros lek a a kikhen-den lai a khan Jesrusalem temple sunga puanzak kha a chun-glam apat in a nuailam tiang in a hung kithêk tai. Zia puanzak phelni kisua khan Khrista chu chamna Khrista ahidan a hetthei hi. Temple ah puanzak kithêk khan kikhen danna chu Khrista’n a sukbei ahi dan etsakna ahi. Khrista, kikhen danna puanzak a sukchip chu; Pathian leh mihingte kal ah kikhendanna, Juda leh Jentel kal ah kikhendanna, numei leh pawsal khendanna ahi.

Paul in Khrista chamna a siam hin Pathian leh mihingte kal a chamna, mihingte leh mihingte kal ah chamna leh mihingte leh thilsiamte kal ah chamna le ahidan a genbe kit hi. Khrista’n a thisan zal a chamna a siam hi ahi Khristmas umzia, gingtute a dinga

pawimaw chu!

Khristiante’n Khristmas hi lopi tak leh hawithe pen a mat chu duthusam in i nei zing un, ziakachun a zawng, a hat in kisingsakna ki nei chiat sek ahi. Khristmas hi Khristiante a dinga ni lopi tak mai ahin a lopi thei pen a mat ding chu ahinai. Ahinla, thil pawimaw ma ma chu Khrista ah Pathian hepina ziaka a nasepte leh Jesu Khrista’n a nungjuite zui dinga a ziltilnate kha Khristmas mat hun a hinle i gelkhaw zawk ding uh ahi. Khristmas hi matlo theilo in i gel un, i ngai pawimaw un, ahinla a ziltilna haw zui ding leh Pathian hepina thu hi i ngai pawimaw pauu.

Khristmas umzia sang in Khristmas lawp ding dan leh a pianni, a pian kum in i buaizaw sek ui. Ziakachun, tuchung Khristmas hi ngaituana thak leh Pathian thilbawl lopite haw geldaw thakna mang ding in kisingsa hitiu. Khristmas hi nunnawp mai ahi pua, Pathian hepina kilatna ni lopi tak ahi zawi.

Simtute zosia Lalpan malzawl-ta hen!

CHRISTMAS SERMON:**KHRISMAS TAMVEIPITAK MANG ZING NGAL NAPP'N,
A DIKTAK IN LA MANGKHATAM LE SUAPI?**

(Mathai 1:21; Mak.1:15; Luka 2:11; Gal.4:4-5)

~Rev. Dr. Hangpi Manlun

Awle u-le-nau, lawi-leh-paite i biak Pathian, tukum 2018 Khristmas melmuthei dinga ei puitu chung in kipak thu i gen masa ahi. Tuchung Khristmas diktak mang ding in bangti'n la kisingsa em ti nangma leh nangma ki enchian ding in i kichial masa ahi.

Rev. Paul Thangiah in Khristmas hun a mihingte umdan ziaqual hin a gen hi. "Naupangte ading in Khristmas ahileh thilpiak dawnna, chun, a thilpiak muteu chu Khristmas thingkung, milim, Santa Claus leh Jesu tuanthute a hetbe'u ahi. Chuleh, Khanglaite ading in, special party, kimukhawmna leh gualnawpna hunte ahi. Zia gual ah chun pitingte ading in, vanchawk hun, card kithawttua hun, thilpiak kipiaktuana leh Incheina leh sum tamtak muna ding nasataka ngaitua hun bang ahi sek hi. Ziaziakachun, Khristmas hun chu mihingte kum, nei leh lam leh dinmun dungjui in akibang puai" atia, agen chu dik mama hi.

Chuleh, Khristmas ni hi khawvel pianni kilawmte

(celebrate) leh holidayte lak a thupipen leh asaupen le i tithei a, adangte chu nikhat khel kimanglo ahi. Khristmas ahileh mizosia'n suty saupipi amu'u a, thakhat bang a kimuthei a, zia chule a thupina ahi. Khristmas phatle khawvel a mihing billion bangzat hem in a Inte'u cheimaw in, Khristmas cardte thawt in, gifts-te kipetua in, partyte ah chia in, lasakna hunte ah mang in leh mun gamlapipi a kipat inkuanpate tawh kimuding in a zindawk zel u'i. Apini hun vanga khawvel pumpi a khawpi zosia traffic-jam in mite asuk ato in atai zungzung mai u'i. Zia beplo a chun i hetlo kal un i calendar uh leh hun guat dante uh le Khristmas ni apat ala hizel ahi. Ziachu, Jesu leh apianni in khawvel history chu chini in

KSP DIARY: **1. Tispari ah Gospel Campaign:**

Dt. 20th-21th November 2018 sung in Tispari Mission Field in Gospel Campaign nei ahin, Pastor G Joyte Speaker ah mat ahi. Zia hun ahin Nk Hatshy leh Nk Siami ten chawihawina la kilawm taktak mai ei sak piak un, Durga Puja laitak himaleh ginglotu taamtakte hung pang in hun nawp taka mat ahi.

2. MPS-II muthak:

Pu. Piangkhanmuan of Tangmual, tulai taka Lamphel, Imphal ah um in a sepna ah promotion hun mu in Manipur Police Service II a hun muthak hi. Tuhin 5th IRB ah A/C asem hi.

3. CKKP Golden Jubilee thillawkna:

CKKP in Golden Jubilee thillawkna in Dt. 1st November 2018 ni'n Khuga District, Town District leh Tuithanak District gamkhawm in Lingsiphai Biakin Compound sung in Games & Sports Cum Musical Nite programme matna a nei ui. Chun, Dt 3rd November 2018 ni'n Leilon Sadar District in thillawkna hun mat ahikit hi.

4. State Player dinga Selection ting:

Tv. Paulunlal S/o Pu. Hav. T. Manga Vaiphei leh Pi. Neicha of Tangmual Village. All Manipur Volleyball Association in Under 14 ah State Player ding in Dt 19th October 2018 khan selection a bawl tau. Kipakpi a um mama, lamzang taka a chiazal i dawisak ahi.

5. Shillong kochuam kum 10 tinna lawm:

Shillong khawpi ah KSP kochuamte'n kochuam kiphudaw apat kum 10 tinna Jubilee lawpna leh Pathian kianga kipakthu gena hun chu Dt 4th November 2018 ni'n nuam tak leh lim takin mat ahi. zia hun ahin Rev. S.T. Kaia Vaiphei, Bialtu pastor in Pathian thugenna anei in, Biakin ah hun nuam taka mat ahi zaw in mipi chia khawm zosia'n kipakna ankuang sawk khawm in, nuam taka hun mat ahi.

ii) Tangmual KKP (Pawsal).

Zan dak 6:00 in Musical Nite mat pan ahi tawh kitawn in, Puitu in Mr. Boicha leh Mr. Lianboy in ma puai ui. Hun kawt hawnna Upa Lunpau in a nei in, programme pat ahitai. Vaidawanna thucha Upa Sawmpi, Leader CKKP in nei hi. Chawihawina lâ Sadar District Choir, Tv. Boithang, Nk. Hoisalem, Nk. Siami leh Hatshi apat in ngaithak ahi. Chun, Leilon Unit, L.Champhai, L.Mission Veng leh K.Vaiphei Unit ten Choreography a present thei ui. KKP Sadar District ah Akul group te'n le Upa Tongneu lamkai na'n dance hawi tak mai leh etnawp um tak mai chu ei present piak thei un, khanglaite a chak lim ma ma hi. KKP Khuga Lawi upate'n le dance hawi tak mai a present thei ui. Chun KKP Tangmual te leh KKP Saipum Unit ten le mipi suklim na dingin lapawl a present ui. Jubilee genlatna Rev. Siamas Phaltual I/C CKKP in anei hi.

Speech: Elect. Upa. Mangpu a pat in ngaithak ahi. Aman agenna chun, CKKP ah kum 30 vel ala kimangcha in ka thei tawp sua in kala pang hi. CKKP hi tu naicha ah hung ki-phudawk/ din daw ahi puan,

masang ah nu leh pa tawmngai tak takte'n ei la phudaw piak uh, tu tiang ah chia zing khanglai, Golden Jubilee mang thei ding in ei koi uh hi khangthak ten ki ngaitua thak in, Leilon lam te leh Lamka lam ten khawmpi bang vei hem zat ki mang khawm ta a g leh pawsal ding in aki la taw e tawm ma ma ui. A khua khua ah Khanglai sunga lekha thiam tak tak ki um himaleh kochuam dangten ei pui mang piak sek uh hi ki ngai tua thak ding in phakasai. A pil athiam akhua khua a te hi ki kila tua tam thei hileh chu CKKP sung leh KSP sung ah khantou/machalna um ding ahi. Programme zosia mat zaw ahi phat in Upa Tongneu in Pauchapna nei in hun chai ahitai.

KKP Town, KKP Khuga, leh KKP Tuithanak ten Inter District Sports na ah Volley Ball Boys & Girls hat pen pen te Final kihel ding in CKKP Loi upaten Sadar lam in pui ahi. Bus fare chu CKKP ten apawkdaw uh ahi.

CKKP in Jubilee Thillawkna kimat na dingin, Lingsiphai ah Vok 1 leh Leilon a Vok 1 gel aki that hi.

CKKP in Thillawkna kimatna sum ki seng jat ₹. 86,000 vel abei hi.

akikhen hi. Apian masang zosia chu B.C (Before Christ) ahia, apianzaw akipat A.D (Anno Domini, in the year of the Lord) ti in akikhen hi. Ziakachun, Khriamas ni khawvel pumpi a Khristiante ading in, ni pawimaw tak ahia, aziak ahileh ei uh tan ding ah Lalpa Jesu hung pianni ahiziak ahi.

Chun, **Rick Warren** in Khristmas kuan phat le a mangdingte tawh kisai in dawtna abawl na ah ziagual hin adawnhu u'i.

i). *Khristmas kamatna ziak ahileh ahun a hung tun ziak bep ahi.*

ii). *Ka lawite tawh In ah kalawm khawm maimai u'i.*

iii). *Khristmas bonus tamtak ka mulaw hi kasepna kipatin.*

iv). *Kachapa/chanu chu mundang apat in In ah suty ahung hi.*

v). *Kochuam election hun a kamitelpa a ting ziak ahi.*

vi). *Ka lawpna ziak ahileh kawan chawk ding cheng ka chawkzaw ziak in.*

vii). *Aziak le ka he puai, ka dam ziak in ka lawite ka ve mai mai hi tite ahi.*

Nang bang din mun ah

la um in la kisakhawl em le?

Chuleh **William Barclay** in le leichung a Jesu a hung pian lai-in mihingte'n ngaidan chi thum nei in lamtuana ala bawl u'i, a tia. Zia chu ahileh:

i). Amuda a galbawl pawl.

Herod in Jesu ahung piang hi ti ahiat phat in muda in a do ngal hi. Tichun, bangti leh ka that thei diam ti in angaituapai ngal a, chutichun, naupang kum ni nuai lam zosia athat ngal hi. Ziagual deu ah chun tulai i hinkhua'u ah le Jesu'n lalna achang a, avaihawm khak ding lau a dawilo pawl kitamthei ahi. Zialo ah chun le i sunga Satan chengpen inle Jesu muda in ado jing hi. Ziagual mite chun Jesu mu ngailo ding ahiau.

ii). Khawksalo/thuselo pawl.

Thiampu liante leh Dan lam thiamte'n Jesu pianna ding mun kha Bible leh Jawlneite gen gual in Bethlehem mun ding ahi ti a he mama ua, ahin ngaisak diaklo in ava hawl chuam diakpua'u. A sep dingte'u kispemialmual in khawksalo in aumua, sualam mipilte ahil zawtau hi. Tichun, amau kalsuanlo jiak in Jesu amu thu uh Bible in ei hil kha tapua, chuleh mu le a

mulo baw k u'i. Tuhun ahin le Jesu pian leh pianlo awl maw keilo mitam tak a um ua, thi-ampute leh dan thiamte tawh kibang ahiu.

iii). Biaknawpna lungthim nei pawlte.

Mipilte'n Jesu biak nuam tinten in anei sunsunte'u hung chawi in gamlapi apatin a hung vengveng ua. Jerusalem ah ahung gam mang nung un le Dan thiamte leh Thiampu li-ante chun Bethlehem mun ding ahidan Jawlneite'n agen ui tithu a hiat phat un, zia thu ah chun kinga in Bethlehem lam juan in a kalsuan ngal ua, nausen Jesu chu vam u in a bia ua, zialo ah chun le, thilpiak mantam tak-takte ava pia'u ahi. Chuleh Belampute chu Angelte'n Jesu pian thu ava gen phat un, a belamte'u nusia in Jesu beding in Jerusalem lam juan in ahung tau ahi. Anek hawlnau nusian nausen Jesu beding in a hung tau hi. Ei un le i Lalpa Jesu muding in bang ahem khat i nutsia ua i chan ngam uh angai hi. Chan ngamna leh nutsia ding umlo in kuama'n Jesu mu ngailo ahiu.

Pathian chapa Jesu Bethlehem bawng In/buk ah a

hung pianna ziak leh apianna ding mun a awnglona ziate gen kit ding i hiu.

i). Amasapen in Bethlehem khua ah zin dang tampi ala tungzo tau a, khual bukte ala dim zotai. Joseph leh Marite chu ahung vaigei tau a, Mari nau vawp ziaka lam zawtzolo le himaithei ahi. A mau masang in malzinten zin tun in a lua dim tau ahi. Ziagual ah chun ei un le i hinkhua'u a malzin dang tampi zin tun kawm in i la vaidawn ziak un Jesu a ding in mun ala awng sek talo ahi. Malzin chuam chuam i zintun sekteu chu; hausat utna zinte, pilna zinte, gualnawpna zinte, zu-le-sa zinte, khawvel ngainatna zinte leh adang dangte ziak in tuni chan a zin thupi leh lian Jesu'n i lungthim ah mun a changzolo ahi. Amasang a i ngaisak leh i lungthim a lianzaw leh thupizawte ziak in Jesu i lungthim ah mun changzolo sek ahi.

ii). Apanina ah Inn neite'n a et phat un pawlam et in Joseph leh Marite chu misim maw um leh genthei ahiziak un, chuleh mel 80-val a gamla hung kipan leh carpenter khut nasem ahiziak un, sum-le-pai nei ding

in, Jubilee genlatna Upa Sawmpu CKKP Leader in anei hi. Special no. Nk. Rody Saipum, Nk. Naukim Lingsiphai, Tv. Thanglianxhawm, Saipum, Nk. Grace Gangpimual, Nk. Pricila, Central Church ten thiam tak leh hawi tak mai in Pathian Chawihawina Lâ ei hun sak piak thei ui. Chun, District tin apat Choir te'n le Pathian pakna lâ thiam tak mai in ahung present thei ziakun kipak thu I gen kit ui. KKP Kangvai Unit in le Short drama, hawi tak mai leh moral um tak mai ahung present thei un, Khanglaite'n a kilimpi ma ma ziang hi.

KKP Lingsiphai Unit, KKP Gangpimual Unit apat leh KKP Khuga Dist. Lawi upate apat in Choreography thiam tak leh etnawp um tak ahung present thei ui.

Speech: Upa Tinkholam Bisamual a pat in, Khanglaite zia tiang I tunnau hi I masawnnau muthei ahina ahin, panthak I tozel ding leh Pathian lunglam hawl a, ama tawh kitawn ah chiazel ding in chialna a bawl hi. Chun, Golden Jubilee mang thei ding ah I um nau hi Khanglaite I pil ziak uh leh I phat ziak ua ahi pua, Nu leh pa masaten genthei haksatna tam tak thuak khawm

in pan ala lak tun tunna ga'u chu tuhi Khanglaite'n Jubilee mang thei ding a um ihu, ti hezing kawm in Pathian ko/hawl kawm kawm in semto zel ding leh bang kim zosia hi Pathian kiang ah kipak thugen kawm kawm ding leh Pathian dawng zing ding in chialna le anei hi.

Programme zosia mat zaw ahi nung in Upa. Soilianthang Lingsiphai in pauchapna nei in hun suktawp ahi tai.

Programme kimat dan tangpi: PHASE II.

Zingkal dak 10.00 in Rev. Thanglianmang, Bialtu Pastor in gualsiak kidemna hawwna anei in sports items chu pat ngal ahi.

Gual chungchuanna neite.

Needle race: i) Boiting Saronphai, ii) Hoiting Saronphai, iii) Pakneu Leilon.

Tug of war: i) K.Vaiphei KKP, ii) Awlmun KKP

Balloon Mutkek (Ladies):

i) Jemi L.Mission Veng, ii) Niangneu K.Vaiphei, iii) Anjuly leilon

2. Balloon Mutkek (Gents):

i) Lamginlun L.Champhai, ii) Simeon K.Vaiphei, iii) Muan Saronphai

Volley Ball Final Result:

i) Leilon KKP, (Ladies)

REPORTS:

**CKKP GOLDEN JUBILEE THIL LAWKNA
ONE DAY SPORTS CUM MUSICAL NITE PHASE I&II
MATNA.**

PHASE I&II

Khanglaiten i la thil zing uh Golden Jubilee Thillawkna, taksa leh thagau ah kisuk limna chu Date 1st Nov. 2018 (Thurs) ni'n Lingsiphai P.C. mun a KKP Khuga District, KKP Town District leh KKP Tuithanak District in **ONE DAY SPORTS CUM MUSICAL NITE PHASE I** chu mat ahi. Chun, dt. 3rd Nov. 2018 (Sat) ni'n Leilon P.C mun a KKP Sadar District, CKKP puitute leh District tin ah puitute'n **ONE DAY SPORTS CUM MUSICAL NITE PHASE II** chu lawting taka mat zaw ahitai. Pen tui mai ah guangalna ala kinei himaleh daltu umlo kei a ei matzaw saktu Pa Pathian Lopina changta hen.

**Programme kimat dan tangpi:
PHASE I.**

Zinglam dak 10.30 in Upa. Liansawmthang CKKP Leader in hawna nei in Sports items chu pat ngal ahi. Khanglaiten kisuklimna dinga Items kimangte chu anuai ate hi ahi:

- i) Volley Ball (Gents&Ladies),
ii) Musical Chair,
iii) Balloon Mutkek,
iv) Needle Race
v) Tug of war (District wise)
- Balloon Race winner(Ladies):**
i). Nk. Pricilla, Central Church
ii). Nk. Olivia, Gangpimual
iii). Nk. Tingneu, Tuikham
- Balloon Race winner: (Gents):**
i)Mr. EL Soson, Central Church

ii)Mr. Kaiminlun, Gangpimual
iii). Mr. Malsawm, Gangpimual

Needle Race Winner (Ladies):

- i)Nk. Nemjemhoi, Saipum
ii)Nk. Sindy, Central Church
iii)Nk. Mercy, Gangpimual
- Tug of war Winner (Ladies):**

- i) Tangmual, Unit.
ii) Bisanmual, Unit.
iii) Central Church, Unit.

Sun ah taksa kisukhalna neizaw in, zan lam in Musical Nite mat ahin, Compare a chun Tv. Mangneu Fin. Secy. CKKP leh Nk. Nenem Treasure CKKP te ni'n thiam takin a puihuai ui. Pro. Pastor Seilunlal CKKP Coordinator in hawna leh vaidawna thucha gen

in le gingchalo ahimaithei u'i. Ziagual ah gentheite chu tungsak len atun man nasan uh ei pezolo khantin uh, chuleh nauvawplai ahi tawh hung suak kha taleh i buaipi ding leh ei subuai mai mai ding ahiu a ti ziak ule hingei ding ahi. Khualbuk neite chun sum-le-pai du-amna leh pawlam etna diklote ziak in ala nawl kha tau. Ei un le i hinkhua'u ah Jesu hung lut kha leh kasep ut leh bawl utte kibawl theitalo ding, chuleh buaina tamtak kituaklaw kha ding tite i lau ziak un i la nawl kha thei ahi.

iii). A pathumna ah Bethlehem khawmite'n angak uh Mesia kha Mari sung khelkhel apat hung piang dingin gingchakna leh lam etna a nei kha pua'u. Gingchakna a la nei hileu ala tungsak mama ding ahiu. Ziagual ah chun Jesu i hinkhua'u ah hungtung nuam in i lungthim kawtkhakteu a kiu kiu a, ngaisaklo leh hawng nuamlo a i um chun hunglut theilo ding ahi. I hinkhua'u hi Pathian in alungsiatna aw in ei kantha zing a, ei ko lai ahin i ngaisaklo chun a tawp le chanlaw kha ding i hui. Gual leh paite haw, Jesu pianna

Bethlehem mite kha ngawlsakna leh mawsakna nei kha maithei i hi, chuleh chan lian mama le i sakha maithei hi. Amau gual in ei un le i lunggil ua i lutsak utlo leh Khristmas i mat in umzia neilo suak intin, bat ah lawm nalai suakding ihui.

Thukhakna:

Awleh, i Lalpa pianna ding helawk leh helawklo mihingte'n a la lamtua lai un, ei uh ama zui, Khristian kitite hin bangti'n i la lamtua'u em le?Chuleh, Khristmas diktak la mangtam ti nangma leh namgma kien chian ding in le i kichial ahi. Chun, khawvel ah Jesu hung pian nung kum 2018 hial ahitak zia kin la lungthim bawng In ah la piansak nailo ahi chun bat ah lawm suak nalai ding la hi. Ziakachun, tuchung bek in Khristmas diktak mangding in Pathian min in i kichial sawnsawn ahi.

Lalpa'n simtute zosia ei malzawl taken!

BETHLEHEM AKSI A VAK KIT TAI.

(Mt. 2:2)

By Rev. Kailum Vaiphei, BA, M.Th.
Kangvai

Ei Christiante a dingin, Christmas hi nikhua pawimaw pen ti thei ahi. A ziak chu, Christmas hi umlo hitaleh, Good Friday ti leh thawkitni lopitak hi umtheilo ding ahin, chuti ahileh Christmas hi Christiante a dingin nikhua pawimaw masapen ahi ti hiat thei chu ahi. Ahinla, Christmas hi matdan pani(2) a um hi. A piangpa(Christ) lawp leh a pianni lawp(Birthday) ti um thei hi. Tamtak chun Bethlehem ah hung piang Jesu Khrista nausen chu hemil in a pianni khua(Birthday) chu ngaithupi zaw'n nunawp(festival) in amang sek ui ti chu Radio, T.V leh Newspaper ten mu thei ahi. Christmas ni tak leh nunnuam(festival) ah mang in, nungak-tangval picnic ah chia in ju leh sa nek na'n mang in, jukham sava pum in, car leh bus te accident in athi tamtak tak le a um sek ui ti Christmas jaw tak leh Radio, T.V leh Newspaper ten i mu sek hi. Chuleh games & Sports ah mang le aum sek ui ti thu le hiat ahi.

“News from Israel” apat kimu dan in Bethlehem ahin kum cheng leh Christmas jingkal in Jesu Khrista a piang tai ti'n ni kituaklo taktak in Christmas dakte (Bells) agi sek hi.

1). Western Church Roman Catholic te leh Protestant Church ten 25th December hi Christmas ni'n amang sek ui.

2) Gregorian Calender mang Eastern Orthodox Church Russia leh Greek te chun 7th

January chu amang sek ui.

3). Julian Calender mang Aramaicte chun 19th January amang sek ui ti thu hiat ahi.

Ahinla, Nicean Council 336 AD a chun Christian josian 25th December chu mat chiat dingin thupukna ala nei un, maleh agam lam uh atung kit phat un amau mat dan ngai ngai gual in ala mang kit sek tau ahi. Chuleh Jesu Khrista nausen(baby) kiti hi Greek pau lam ah chun “Brepheos”

ngamna ei pia ahi.

5) Lawsapna leh a diklo hina chun hun that lo ding ahi:

Kimuan ngamna hi bawldik ziak ah hung um a hi zing diak puai. Bawlkhiat ding laulona zal ahi sek zawi.

Allen H. Neuharth chun, “Lau-na chun hun that puan tin, diklo hina chun hun that diak lo ding ahi” a tii.

i) La zil ahi: Lawsapna chu thil lau um tak ah ngai ding ahi pua, zilna (lesson) phatak ah gel ding ahi zawi. Zia chu a tawpna ahi puai ti hiat ding ahia, milopi tamtak le a lawsapnateu a pat zil in a bawl kit kit nung ua hung lawting a hui. Jim Corbett, “The Hunter” Try try a gain and at last you will success. Abraham Lincoln.

ii) Experience la la nei ngai-lo neina ding ahi: Midangte sukkhialna leh lawsapna a pat zillai la lak ding ahi.

iii) Hung hat deu deu ding la hi: La lawsap sin leh hung ngaiman in la tin, zia chu a tawpna ahi puai ti hun hitdaw sak ding ahi. Tichun masang ah haksa la sakte chu hun ngam sak in tin, zia chun

hansanna leh kimuan ngamna hun pe ding ahi.

iv) La lawtinna ding lemchang hung kibelpa ding ahi: La lawsap sin leh la lungsung ah hatna pung deu deu in tin, lawsapna zosia chun lawtinna lam ah hun pui deu deu ding ahi. Mi zosian nangma bep en leh gel in kingai kin la, min le buaipai a kinei chiat uh ahi.

6) Nangma kihiat chian guan:

Mani kihechianlo ah ngam thaw ah bawl ziang ding ahi diak pua, bawl masang ah I capacity kihiat ding ahi. Napoleon Hill chun, “Zia hi le, zia chu le bawl theilo tite chu ngai sak kin la, kihelna zosia'n pang in la, maleh zia hi a haksa ta luai ti kizaw sak kin” a ti ahi.

Kimuan ngamna siamna ding leh nangma la kimuan ngamna ding in nangma la kihiat chian a ngai hi. Thil pawdawk in la, la huphul thilte chu tuak in la, a vel vel in lawsam in la, haksa ta lua ahi pua hi lam ti hedawk in, Zia lawsapnate ziak chun kitilkho in la, sunglam lunggil in kihe nem in.

Lalpan simtute zosia malzawl ta hen, Amen.

chun kimuangngamna leh hansanna a hing dawk hi. Lau-na, huphulna hi zaw la nawp chun inn ah kichu in gel thaw kin la, kipan in buaipei ngal in” a ti ahi. Mani kimuan ngamna neina ding ah kalbi pawimaw pen chu bawl pat mai hi ahi. Kipat ziang chu haksa mai thei a bailamna ding in:

1) A mun ngei ah um in sui in.

ii) Puak zâng ding, gel serious takluatlo ding, huphul um lam leh a negative lam in gel kin.

iii) Bawl ngei tup in. Sep leh bawl ding chu a ngaina himaleh force in bawl kin la, ngak kin.

2) La Launa chu Kimaituapi in (Face your Fear):

Mani kimuan ngamna um theina ding khat chu I huphul thil kimaituapi hi ahi. William Jennings Bryan chun, “Launa neilo ah la kimaituapi thilte chun thahatna, hansanna leh kimuan ngamna hun pe ding ahi. Zia chun maban tuak zelna ding in experience leh kimuan ngamna hun pe ding ahi. Ka bawl thei puai ti ah la gelte chu la bawl ding ahi. La

huphul thilte la bawl a la zaw-na chu nang a ding ah kimuan ngamna siamtu ahi.

i) Ngaichang in: Chingthei tak ah a um ding dan study na chun panlak ding dan leh lungthim kihawanna a siam sek hi.

ii) huphuna hin phatchhuamna a um puai ti hiat ding ahi.

3) Banggual Dinmun ah thil hung suak ahem ti hechian in:

Kuama zosia a khatveina lawting ziang ahi diak pua, thil la bawl mun tak leh hung kimuang deu deu ding la hi. Etsakna ding in: Mipilak ah thugen, mipi mai ah din, la hinna in hung pangai deu deu in tin, tamtak vei la bawl tak leh hung kimuang ngam ta ding la hi.

4) Kisingsakna (Preperation):

Lawtinna ding ah chabi khat chu eima kimuan ngamna hi ahi. Kimuan ngamna ding ah chabi chu kisingsakna hi ahi. Bang bawl ding ka hem ti helo ah um tak leh manthai a bailam ma ma a, buaina sumpi zing in kibawl leh bang a ti diam ti launa’n a kidim sek a, zia chun kiguat lawk a, rehearsal a vel vel ah nei chun kimuan

Luka 2:14 atiu in, Sualam michingte’n chibai ava buk ua khan chapang(child RSV) aki ti’n, Greek pau lam ah chun “Paidon” akiti. Brephos leh Paidon hin kikhiakna liantak mai anei hi. Bang jia adiam ti vang hiat ahi puai.

Chuleh Christmas hi ala mat masang un Romte chun bu leh bal phatna Pathian kiti “Saturn” Aksi chu 17th-25th December hun sung hi nunnuam(festival) in ala mang sek ui. Jia hun tak hileh gal kido hile ala chawlsan sek un, suakte(slaves) le ala thadawk sek ui ti thu aki hiai. Chuleh Persiate chun 22nd December hi “Mithorod” milim pathian hona’n ala mang sek ui. Chun, Babel insang hunlai ah khan Nimrod (Genesis 10:8) chu pathian in ala ho sek un, athi ding kuan in mipite kiangin “Kei ka thi nung tak leh nisa(sun) ah khin um ding ka hin, nisa(sun) chu pathian ah la ho sek ding uh ahi” ti’n avai thak hi. Jia kipat ah chun Nisa (sun) pathian ah ho hung kipan a hi.

Nimrod thi nung ah chun aji (wife) Semeremi chu ahung jawlgai ta’n ka pawsal

Nimrod in nigui a khin ei hung pawl in gai ka hi ati’n achapa ahung piang phat in amin dingin “TAMUZ”(leng chapa) asak tai (Tamuz chu Eze. 8:20 a ki mu’i). Jia Tamuz pianni chu 25th December ti ahi, tile a um ui.

Christmas hi sappau lui lam ah chun, “Christian Maesse” ti’n ala ki jik a. Jia kipat chun, Christmas tia hung kihia ahi. 1050 AD vel khan Christmas lam chawm in “X-Mas” ti’n ahung kimang kit a, Ahinla ‘X’ kiti hi Christa (Messiah/Sathaunu) suk manna ahi ti’n, ‘X-Mas’ chu kua pianni a hem? ti hiatlona dinga hung kimang ahi atiu in mi tamtak in a pawm puau hi. “Christmas” ti ngeingei ding ahi ti’n ala gen ui. X-Mas hi Europe gam in ahung kimang pan in aban in America gam inle ahun mang un, tuhin khawvel mun chuam chuam inle ahung mang tau ahi.

“Christmas tree” hi amasapen in German gam in ahung kimang masapen hi. Martin Luther in Christmas tunkim Zân ah chun gamlak ah chaknêl lak ah avak

velvel lai in Chaknêl laka chun Aksite(stars) vak leklek hi avak mu'n ahileh aman le hawi asa mama in, chaknêl chu ala'n ajem hoi in naupangte chu Pathian thilsiam jiltilna'n amang sek hi.

Kum 1880 AD vel ah khan Christmas tree ahung siam pan un, thilpiak ah ahung kiptua sek un, Christmas tree phung ah chun a kawi un, kipa-kna'n ju leh sa anekhawm sek un, amin dingin 'Eggnos' asak ui. Aban in 1880 AD vel ma khan Woodworth chun Christmas tree hawitak ahung siam in Bajar ah ahung juak pan tai. Kum 1882 AD vel khan America gam inle Christmas tree chu electric meivak in ahun jemhoi un, bazaar in ahun juak un, paisa muna tamtak in ahun mang tau hi.

Achung ah kigente hi Christmas ala matdan uh a chuamchuam ala kigente chu ahi. Ahinla, Lalpa Jesu Khrista Bethlehem ah ahung pianni chet hi chanchinpha jiktu ten ala jik khel lo maleu Bethlehem ah ahung piang ngei hi ti chu Bible ahin kichian tak in akimu thei hi. Ani chu bang ni

hijiang taleh a pianni (Birth-day) sangin piangpa(Christ) hi a pawimaw jaw ahi ti chu la'n "Jesu tuni hin ka lunggil bawngin ah hung pianthak kit in, nang ka kumtuang lal ding un" ati gual in. Armacion te chun "The Anniversary of the spirit birth" ala tiu in, a pianni(Birthday) sangin a piangpa Khrista hi eimau lunggil sunga thagau ah apian hi a pawimaw jaw a hi ti chu hiat thei ahi.

Pathian in athu mal-sawm taken.

khamthei dang dang bawlna'n mang taleh chawmlokal in a taksa chu hung ketha suk in tin, hausakna tawh kigamla ma ma ding ahi. Ziakiachun, thuching chun damtheina hi hausakna ahi (Health is wealth) a ti ahi.

Mani Kimuanngamna Um-zia:

Eima leh eima ki tak-sanna, I thahatna, I bawltheina, eima ah kingak zawna, kimuanna hi self confidence chu ahi. Zia hi mihing hinkhua nasepna ding ah thil pawimaw tak chu ahia, mani kimuang ngamlote'n bangma a semdawk ngai puau.

Kimuan tak luat (Over Confidence):

Confidence ti hi thil a la bawlsa, hiatsa ti chu experience a pat hung um ahi ziak in kimuan takluat ziak a, experience nei nai keilo ah bawlkhial a um thei kit hi. Ziakiachun khatvei bawlkhial ah kichai ziang ding, se vek ziang dingte chun kizilthiam masa sek in. La kimuan takluat ziak ah la chàn sang in.

Kingaisiatna (Inferiority Complex):

Thil daw leh tup la nei chun zia hi keima zaw thei ding chi ahi paw e, ka dinmun, nei leh lam, ka hiatna a tin puai ti'n kingaisia ziang kin, la tupna leh la labour sepna in a zil phawt chun mualsua mai ding la hi. Khawvel ah thil buai um pen leh lawsapna bulpi chu thatbeina hi ahi. Tupna tun theina ding in mani kithunun a pawimaw pen hi. Proverb chun, Mi ama leh ama kithunun zo mi chu khawpi khat gal ah zotu sang in le a hatzaw ahi a tii.

Kimuan ngamna ding ah Kalbi 6 te:

i) Kipan in la, bawl ziang in:

Thil khat la tup chu lawtin la guat chu bang gual in haksa maleh kipan in la bawl ziang in. Mualsuana ding ah eima kimuanngamna nasep chu gimum in haksa maleh kimuanngamna lawkna chu a lopi ahi. Thomas A. Bennet chun, "Sepdaw khel ah mani kimuanngamna siamdawk a um puai, a ti ahi. Thomas Carlyle chun, Seplo chun lung awpkaina leh launa a hing daw k a, Action

iv. Lampi Kawkm (Directing Paths):

Hun hung tung nailo tawh kisai in mihing hi mulawk theilo mitthum (blind) I hia, kichian tak ah mutu Pathian a um a, I sep leh bawl ah I lawtinna ding in Ama chun I lampi ding ei kawkm a ngai hi. I hinkhua ding ah thilpha ei gel piak ah lampi ei kawkm I mihing chanpi, I nu leh pate, I lawi leh pãite chu phachuamna chung in Pathian ei kawkmuna hi gintãk pen leh lawsam ngai lo chu ahi.

v. Pathian Lau (Fearing the Lord):

Thupil ziktu Silomon lawtinna chu Pathian ah a ginumna leh Pathian a launa chu ahi. Solomon hi khawvel ah mipil pen ahia, ama hi eimau gual in tulai thiamzilna school a hin a la kai kha lo mai thei ahi. Himaleh tulai lekha thiam pen sang in le a pil zawi. Pilna (Wisdom) hi Pathian thilpiak (God's gift) ahia, hetna (knowledge) ahi leh chu zilna a pat dawn ahi. Ziakiachun Solomon in kichiantak in "Lalpa lau hi pilna bulpi ahi" tin Thupil 1:7 ah a gen hi.

vi. Gitlona Nutsia (Depart from Evil):

Khangdawn lai hun a hin gitlona nutsia theina ding in lawi leh pãite tel ah chitthei a ngai ma ma hi. Nangma chu mi thunung, mipha leh umchan phatak mi le la hi mai thei hi. Himaleh lawi phalo la kipawlp chun ziate chun la umchan pha leh la hinkhua ziang le hung susia ding ahiu. I Kor, 15:33na chun "Lawi phalo in umchan pha a su siai" ti ahi. Gitlona la nutsia theina ding in lawipha kitel in.

vii. La Taksa Ding ah Damtheina (Health to Your Flesh):

A chung ah I gentãkteu Pathian ah kikawlsakna, Pathian muan ngamna, eima khawhiatna mai ah kingaklona, I lampi zosia Pathian hiat zing, Pathian lau leh gitlona nutsia zosia ga chu la taksa ding ah damtheina hi ding ahi. Damtheina hi hingchate kiang ah Pathian thilthawn piak pawimaw tak ahi. Himaleh mi'n zia thilthawn piak chu mang khial hen la, khamthei thil chichuam chuam zu, damdawi chang, No.4, nganja leh

JESU'N NANG HINNA'N MUN A NEI EM?

~Evan.T.L.Mang Vaiphei

khualbuk ah mun a awn tak lo ziak in, gan ankuang in a sial tau hi Lk.2:7.

Thumasa:

Khawvel hukdampa ding ah hung piang Jesu hin, a bul a pan fulo ma ma a hi. Nausen ah a hung kizilna ding in kicheng ding ah kikhamsa Joseph leh Mari programme suksiat in a um law a, a hung pian inle, khualbuk ah mun a awn tak lo ziak in, kua kisial dan gual lo tak in, gan ankuang ah sial in a hung um kit nalai a hi. Zia gual tuk ah khawvel ah hung vakvai a, mun neilo Jesu hi la hukdampa ding ah hung piang a hia, la Lal chu a hi. Khualbuk ah mun chang zo lo hukdampa Lal Jesu hin nang hinna bek in mun a chang zo tak tak em? ti hi ngaiua kham a ting a hi.

Khristmas tawh kisai ah ngaitua ding ah pha tamlo vak en khawm hitiu.

1. Jesu'n a mite lak in mun a chang zo puai:

Jesu hi Juda te Lal ding ah hung himaleh, a mite'n a daw puau a, Kaisar lo ngal Lal dang ka nei puau ti'n a la nawl uh a hi.

Jesu hung pian dan hi chanchin gual mai ah gen tawp ding in a pammai a hi. I gilo thawi damna ding un, a van lalchutpha hun taisan ah bawng ankuang ah hung kisial pa hin la hinna in mun chan

ding a nuam ma ma a hi. Israel te hun lai gual tho in, tuni hun ah Khristian minpu mi tam takte hinna a hin Khrista'n Lalna a chang zo tak tak lo in a kilang zing nalai a hi. R.Telescope chun, *_Khristmas hi Pathian lungchang ah hung kipan a hia, mihing lungchang a tun phat bep leh bukim sek a hi_* ti'n a la gen a hi. Khristmas hi i lunhchang sung a tun a, mun a nei a, a chen phat bep leh Khristmas hi bukim bep a hi ziak in,

taksa pawlawng a, kilawmna mai ah Khristmas hi bukim thei hilo a hi. Tulai khristiante a ding ah Khristmas bukim-na dan ah i ngai uh chu- Nik leh puan hawi nei ding, sum leh pai kiningtin ding, me tui, bu tui nek ding, leh mi um gual ah um ve theina chu a hi. Khristmas diktak chu ama Jesu gual ah gentheina, musitna, engbawlana ama min ziak ah thawkgamna chu a hi zawi. Mihing tena tawh Pathian tena a kibang pua, ei uh mihing tena ah Khristmas lawting i tiu tam tak hi Lalpa tena ah chu a lawsam tampi um ding a hi. Jesu'n a mi Israelte lak ah mun a chan zawlo gual bawkin, tuni Khristian ka hi kiti zing ngal ah Jesu'n i lungsung ua mun a chan zawlona mi tampi i um zing nalai uh a hi ti ngaitua thak kit in, Jesu, ka lungsung un hung cheng in ti'n ama Jesu i lungthim mun teu awt thak kit hitiu.

2. Jesu a ding ah mun la piak lo chun nang a ding in le khak hi ding a hi:

Jesu hung pian zan in khualbuk ngakpa chun mun awng

a nei ta pua, nausen Jesu chugan angkuang in sial in a um a hi. Zia gual a chun, nang le tuhun a hi Jesu a ding ah mun awng la neilo chun, la hinkhua a hung bei phat leh Jedu ang ah ding inla tin, zia phat chuleh, ama'n nang a ding ah mun awng neilo ding a hi ti'n Ann Farell chun a gen a hi. Jesu a ding ah mun pe nuam lo, himaleh Jesu ah chan thupi tk mai nei gaw zing Khristian i tam ma mau a hi. Government in panpina chini, bawngnawi leh anchang a hawm leh a min umlo te nasan in chan i guau a, i gen hat man un i chang thei tho ui. Himaleh, nang Khrista a ding ah la lungthim mun la awt nawp lo chun, ama Jesu ah mun la channa ding chu gen hat a hem, gen thiam a hem ah mu thei chi hilo ding a hi ti i het ua, *_Nang a ding ah hung piang Jesu a ding in la lungthim mun awt in._*

3. Khristmas hi hepina thilpiak ahi:

Pathian in a chapa changkhat neisun Jesu Khrista chu zia khawvel hukdamtu ding in a hun sawl a, mihing bukim ah

Khanglai Hun Pawimaw Dan (Thupil 3:6-8)

~Rev. S.T. Kaia Vaiphei

Thumapui:

Zia sermon hi tha masa khanglai hun pawimaw dan hung kisua sutzawpna ahi. Tha masa a khang a Bible kipia chungchhang hi kigen manlo a hia, a sau ziak in nivei in a hung kisua a, tuchung hin a Bible sermon hi pen ding ahi. Khawvel ah mipil pen leng Solomon in khanglaite a ziltina thu pawimaw tak hi i changtelna a pat in point 7 bep teldawkin a nuai a hin chawmkim chan vak gen hi tiu in a tawpna ding in mani kimuan ngam ding dan kalbi paguk (6) gen in zo ding i hui.

i. Pathian Muan Ngam (Trust in the Lord):

Bang ziak ah Pathian I muan ngam ding uh ahem I ti chun Ama chu bangkim hithei, bangkim hesuak leh a nawp chun I hinkhuau ding ah thil phapen ei pethei ahi ziak ahi. Mihing in khawsa-ul kai zen ah hun leh phat, tha leh jung seng ah a gimtak ah a sepna chu le Pathian in lem a ti lo chun a thawn thei hi.

ii. Mani Khawhiatna Kingak (Lean on One's Own Understanding):

Mi tamtak chu amau kimuang talua in, a thilhitheinau, a hausaknau, a thiamnau leh a dinmun un kisuang in Pathian a dawt ngai sek

lo ziak un a thilbawl uh tamtak a thawn sek a, a ziak pipen chu amau khawhiatna a kingak ziak uh ahi.

iii. I lampi Zosia Pathian Hi-atzing (Acknowledging God in All Your Ways):

I lampi zosia Pathian hiat hi lawtinna nak ahi. Mi zosia'n hinna ding ah pawimaw an leh tui, sil leh chen leh in leh lou titaklo in le pawimaw dang sum leh pai, thiamna, minthanna leh tulai khantona thilte I pawimaw chiat ui. Zia thilte chu del ah nisin buai tak leh gim tak ah I pan zing lai ua hin I lampi zosia Pathian hiatzing hi lawtinna chabi ahi ti hemil puai tiu.

chak chu akiang un ahung un, ahung kilak phut ah, Lalpa lopina'n akim vel uh chu ahun sal vakta, Belam chingte chu alau mama tau a. Aziak chu, a til ah vansawlchakte thupuak hi a phalam- kipak nalam ala hibek setpua, ziaziakachun, lau thawng ahi diam uh ti gin chak ahia, bawlkhial khat um ahi tam tinle a gel uh himai thei ahi.

Luke 2:10 I sim leh 'Lau ki unla, ngaitiam un, Mizosia diing in, chanchinpha kipak um kahung tut piak la hui, chuleh, nang uh ading in, David khawpi Bethlehem ah hukdampa ahung piang tai, Lal Christa chu' eiti piak hi. Lalpan nang leh kei a ding ah hukdamna chanchinpha athawn ah ei hung tut piak gual in, ei unle a thawn ma ma in, helo leh mulote, mangthaite kiang ah piak sawn ah, hil sawn ding in chial I hui.

F. MARY DI'N JESU HUNG PIAN HI KIPAKNA AHI:

Mary ding in kum 700 masang ah ala kigena thu chu ama chung ah a hung guitun hi kipakna ahi. Numei dang sanga ama khel khel Jesu

pianna ding nu a hung channa hi ama ding a chan vangpha leh kipak um ahi. Pathian in kum 400 silent year sung ah kuama a kihopi taklo nung a Mary a hun kihopi ama ding in kipak umtak leh chan vangpha a channa chu ahi.

G. THILSIAM HAW DING A LE JESU HUNG PIAN HI KIPAKNA AHI:

Mihiam gitlona a hung dim phatin thilsiam zosia le gausapna a chang suak tau hi. Jesu Khrista van nuai ahukdam dingah a hung pian hi thilsiam zosia le gausap a channau pat Khrista zala nikhat le tatdaw ah um chiat ding ahui. Rome 8:2; Is. 55:12; Col. 1:20 i hiatchianna ding un sim hitiu.

Suapite haw, tuni hin nang leh kei a ding in David khawpi hukdampa ahung pian hi kipak aum tak zet in, hukdamna chanchin pha kipak um chu ahitai.

Lalpan a thu ei malsawm ta hen.

a hung pianna ni a hi ziak in, Khristmas ni hi Mihingte a ding ah Pathian a kipat helina thilhawn piak i vhanna ni lopi tak uh chu a hi. Joseph Emmas chun, *_Khristmas a hin kihepi hitiu, Khristmas hi hepina ah hung kipan a hi ngal a_* a ti hi a dik him a hi. Pathian in a hepina bukim mihingte mu thei ding ah a hung suklatna ni lopi tak mai a hi ziak in, Khrista i hinnau ah mun i pik ua, hepina ah midangte kankua ding ah i kisak thak uh a ngai hi.

Khristian hi ngal midangte hepina neilo chu ama ah Khrista'n mun a nei puai tina a hi mai hi. Tulai Khristiante lak ah Khrista'n mun a nei puai ti kiltna chu - ***Mi ama bep kipepi, mi dang hepina neilo, ama kochuam bep hepi, mi dang kochuam hepina neilo, ama bep thagau mi kisa, mi dang thagau mi hina pawmlo*** ti haw mu ding leh gen ding a hung tam deu deu a hi. Khrista'n i lungthim ah mun a nei a, lalna thuneina a hung chan a, Khristmas diktak eima hinna a hung tun phat leh Khrista lungthim kikawppi in, ama

gual in i hing ding uh a hi.

Thutawp:

Tuni gan ankuang ah hung kisial nausen Jesu hin, hepina tawh la hinna ah mun dawn in la lungthim kawt a kiu zing a hi. Zia chu dawnhuna kipak um la piak theilo chun, a hung kit phat leh a lungnatna mel mu ngamlo ding la hi. Khristmas a hin nausen gual in hung piang maleh, a hung kit phat leh thuneina zosia chawi in lal lopi tak in hung ding a hi. Khristmas diktak la hinna tun-sak inla, a nawpna lam bep hawl a, Khristmas mat gaw zing lo in, a chapa changkhat neisun hun pia Pathian kipakna ding hawl in Khristmas mang chiat ding in dawidakna ka hun lan hi.

Unau, la hinna Jesu'n mun a nei a nuam hi. Mi zosia a ding ah la phallo la lungthim sung nung pen awt phawt in, zia chun Pathian kipakna hi ding la hi.

LALPEN THAK CHIBAI BUK HITIU

(Matthai 2:11)

~Upa Soilianmang, Bisanmual

Kum sin December tha hi ei uh Manipur gama umte a ding diaka chun, Pawltâk hun chuleh, awllên hunnuam ti ah pi leh pute'n le ala khatla mamau hun ahi dungzui in, ei un le I hetmil theikêilo uh hunnuam takmai chu ahi. Pi leh pute chun gual nawp, pâi nawp, zu nawp, sa nawp leh a dang dang bawl na'n a la mangsek uh ahi. Zia chu tulai khangthak ei uh haw lungthim sung ahin le a beidiak puai. Pi leh Pute bawl dan dana bawl ding la Khristian min kipu ve sam, bawl ut mama bawl ngamlo in I um uh ahi. I lungthim ua beilo nana na chu Khristmas programme sung in item tamtak ki sum zo ta lo in I paw lut ta mai sek uh ahi. Zia zia achun Kochuam pawl ten I Khristmas mat danteu haw hi et thak hunta ma ma hilo ahem maw.

Tukum Khristmas hi mangthei ding in Pathian in hun leh phat phatak hun peta leh bang guala mang ding in la kisinga em, mat nawpdan zat chuam chuam um din ka ging cha, khawvel kisuk nawpna ah mang dinga kisinga le tam tak ki um intin, nik thak, puan thak a mang dinga kisale ki um intin, nek leh dawn lama nuamtak a mang dinga kisinga le kitam ma ma di'n kaging cha ahi. Chuleh, thinlung gam a nausen hung piang ding chu chibai buk tei tei dinga kisinga le ki um tho sam di'n

ka gingcha ahi. Ziakiachun, hun ala chiasate haw akhan, tukum la Khristmas mat uh a nuam na?tia dawtna dawnhuna a chun me pawk leh mehul thu, sa tam leh sa tawm thu ate haw khan dawnhuna I pesek uh ahi kha.

Ziakiachun, un-aute haw tukum chun nausen chamna Lalpa hung piang ding chibai buk tei tei ding in kisa chiat hi tiu aw. Sa ahula huanzawlo gentaklo in, a sa himhim le huanzolo I hi tak un le lungawi hitiu in, a nek leh dawn lam bep sang in Lal thak

I pian sakna em? A pianna ding mun I awt na em? ti zawk gel in ei ma kisuichiat hitiu, Zia kigen zosia hi I neilo khak chun Christmas lunggil ah mang tak taklo kihi mai ding I hui.

C. ISRAELTE LUNGGEL LEH A KINEPNAU:

Jesu pian lai ah chun Israelte chu Rome Govt. Khut nuai ah um ahiu ah, Judate chu nawzak ah um in a um un, haksatna tamtak ahung tuak phat un panpitu ding anei puau ah. puitu lamkai ding a ngai mamau hi. Isaiah 9:6 na'n a gen hi. Amau in lunggil lam leh thagau lam thu kunep pilo in taksa lam ah vaihawmna, thuneina hung nei in, hung hat in tin, suak leh sal ah ka um nau pat eipui dawk in, ei mau thu thu a zalen tak ah Messiah chun vai hun hawm in tin, Judate chu agam ua zalen tak in kium tan na, ti lam achun aki-nep khak zia un angaituanau soal kha ahiu. Suapite nang le ziate lunggelna lak achun la pang kha em? ki ngaitua in.

D. HUKDAMNA DING GUANGGAL AHINA ZIAK:

Genesis 2:15 I sim leh Pathian in Adam Eden huan

enkawl ding ah ngansia ahi na akimu, Gen3:6na I sim kit leh, Adam leh Evi kiang ah thingga neklo ding tipen, nekna aki mu kit hi. Mihing in Pathian Dàn a bawsiat tâk zia un Pathian leh Mihing kigui zawpna a tan tai. Pathian in ama lim leh melpu ahung siam MIhingte hi, Gan thisan ah tat I hi theilo zia un. Nang leh kei Pathian tawk ki zawp kit theina ding in (Johan 3:16) a chapa changkhat nei sun khawvel ah ahunsawl ah, Kalvary cross achun, hukdam na dawng kawt ei hawn piak tai. lopina Lalpa chang ta hen.

E. BELAM CHING HAW CHANCHIN PHA.

Belam ching haw hi, Israelte lak ale. Mi mutawmpen leh ting lel pen, Minuai nung pen lawi ahiu tin ala kigen hi. Bethlehem khawpi nuaia ah um (BEIT SAHUR) khua aching ui, Belam ching haw chun, Sun leh Zan ah a ching tup un, gamsa leh guchate a pat ahukdaw zing ui. Chuleh, a nek ding uh hamhing/hampa leh tuite niang tak ah a kawi piak ding uh chu amau haw mawpuakna ahi. A belamteu achinlai un, Lalpa Vansawl-

“CHANCHIN PHA KIPAK UM TAK”

Luka 2:10-11

~Upa S.T. Lianboi, Mission Veng Leimakhong

THUMAPUI:

Mihiamte hin I hinkhuau ahin kipak ni, thasiatni, kani, nuini, nawpni, gentheini, leh adang dangle tampi inei ui, Chanchinpha kipak umte zat chuam chuam a le aum tho hi. Luka bung 2 sung I et leh, Pathian in Old Testament hun ah zawlnei Isaiah 9:6; 7:14;5:2 ah kigente isim leh Israel te leng Messiah hung piang ding ala tiu. Tuni hi nang leh kei in Bible I ha sim pawt chun aleng ah hetthei ahi; Lalpa lopina chang ta hen.

A. CHRISTMAS MAT DAN ZAT CHUAM CHUAM LEH A ZIAK:

Chirstmas kiti hi Jesu Khrista pian ni ahi tia kimang ahi puan, ahung pian kipakpi na'n kimang zaw ahi.

Christa ging zosia' n vang Luaithena, nekkhawmna, thagau lam gual vakna leh Pathian chawihawina'n mat ahi sek hi. Midang apat Christmas mat dan zat chuam imu/ihiat dante anuai ah gual hi ahi.

1. Constantine te'n -leng lian khang ah A.D 325 kum in ahung mang pan ui.
2. Tum lam, Kochuam Roman Catholic haw leh Protestant haw'n 25th December amang sek ui.

3. Eastern Orthodox kitihaw hin vang 6th Jan in a mang sek ui.

4. Armenian, Kochuam in vang 19th Jan in amang sek ui.

B. JESU PIAN HUN LEH EIMA A DING AH PAW-IMAWTE:

Jesu pian hun chet vang hiat chian ahi puai, scholar a tam zawpi ngaidan leh pawmdan vang B.C 4 vel hiding in a gingcha chiat ui, Jesu vang hi apiang tak tak hi, ti hi (Luke 2:7) na I sim leh hetthei ahi. Bethlehem bawng In sung ah piang in, Gan an kuangin a sial tau ti ahi. Achuti ahileh, sua-pite haw, nang leh kei in tuni hin a pian nikhua leh amunte, I buaipei sang in, I lunggil in Jesu

chibai bukding bep I lungthim sung uh luadim sak hi tiu aw. A ziakchu, tukum hi Lal lungdam kum la mat nunung pen ding kum ahitak inle la kisiklo-na ding in Lal thak chibai buk a melhiat hi gawchiat hitiu aw unau. A ziakchu, vaihawmna nilopi I tun phatleh Lalpa melhiat hi hih pawimaw ma ma ding ahi ziak in, nungak thi-antho sawmte laka pangate kianga khan le ka hun hekhanga puai ti in a melhiatlo thu a gen khum gual in ei chung a le a gen khak ding hi mihinghinkhua ah thillau um pen hi ding in ginchaka um hi.

Tulai I Khristmas mat danteu haw hi vak ngaitua tia, I Lalpau Jesu chun, a sa lam bep la ngaitua zing ziang tau ua, kei le ei ngaitua samteu tidi'n ka gingcha ahi chu!

Leng Herod chun saklam mipilte kiang a khan, gunchu tak in va hawldawk tei tei unla, la mu phat phat uh leh kei le ei hun gen kit un aw. Kei man le chibai ka buktheina ding in ati ahi kha. Ei them ui ti a hiat phat in Chibai buk paw khangka tilau in aum thimtham theita pua a sepai-

hangte kokhawm in chibai a buk teina ding ngaitua in nasatak in pan ala, himaleh a muzota kei pu'a.

I tepte ding ua pha ma chu, a nuam tapo in I ut thu thu, baithet thet a chamna Lalpa chibai buk ziang thei eikei kei puai tihi Herod chanchin apat hin hiatthei ahi. Ziaziachun, theitawp sua in a thuneina gam sung zosia a chun, theitawpsua in hawl maleh a muzo keilo ahi kha. Herod in ahiatlo khatchu, a umlonapi chu hawl in hawl maleh a umlopi chu bangti muthei ding ahem ti hi ahi. Unau, chamna Lalpa chu khawia um ah, khawia mu ding ahem ti chu Bible in nausen puan ah tuam gan ankuang ah kisial chu va mun lau ti imu gual un, ei mau in le tukum Khristmas I tun ma sang ngei uh hin, I thinlung gam teu suniam in chamna Lalpa hung pianthei tei na di'n, bawngin guala nuai nung tak in ki siam hitiu aw. Nuai nun na thinlung gam achun chamna Lalpa a piang sek in, zia thinlung neina ngei chun chibai abuk tei ding ahi.

Ziagual ma chun eiun-le, ei mau thinlung gam sunga umlopi Chibai buk dinga hapi taka kisingsa I hi khatawl em-tile kingaitua masak ngai ahi. Midang thinlung gamsungachamna Lalpa umkha va gal kai a chibai va buk tile thil um theilo ahi, ti le hiatchian ma ma a pawimaw ahi. I Bible in, nausen leh a nukha azan a zan in Aigupta lam a zammangpi in, ti in thupiak a dawng hi, ti imu ahi. A ziakchu Herod leh nausen gam khata a um khawm ding uh chu Pathian in a phallo ahi.

Tukum chu chamna Lalpa chibai buk dinga thupukna la lak tak tak ahichun, la ngaitua masak ding chu, la thinlung gam sung a khan

Herod a um khatawl em? ti hi ngaitua masak pawimaw ahi. Aziakchu I thinlung gamsung a Herod um kiau kuau ngalachamna Lalpa Chibai bukdinga hapitak a kisingsak chu umzia bei ahi.

Kochuam pawlte adi'n leng Herod hi Chamna Lalpatawh ei khentu ding, milau um tak ahi zia I sulang tau a. Numei naupangte le I kiventheina di'n Herod mizia pakhat vak sulang malam hitiu. Herod chu niam, neu leh nuai nung hi ut kêilo mi ahi.

Chamna Lalpa Chibai bukthe lak leh a melhiatte laka I pan thei tei na di'n zia I sermon tamlo cha hi simtute zosia malzawl na'n I Pathian in ei mat piakta hen.

KIPAKTHU GENNA

Kum tamtak Monthly Magazine nei theilo in i um nung un Pathian mapuina jal in 'DAMNA AW' mel mu kit thei a i um kit jiaak un kipak um kasa mama a hi.

Monthly Magazine kiti hi Kochuam leh Mission thu leh la a kihi-attuana Kochuam reportna khat le ahi jiaakin lungdam um le kasa, Pathian kiangan kipakthu i gen ban in Hotute leh Editorte chungin kipakthu i gen ahi.

DAMNA AW damsawt hen,
T.Upa Kamneimang

Ama ging zosia chu kumtuang hinna a nei kit theina ding un ahung piang a, Pathian leh mihing kikal a chamna siam in hung piang ahi.

Thu chaina:

Zia bang lawm ah lal mak leh lopi hung piang hi nang leh kei Pathian tawh kikhenta ding chu i kicham kit na dingun leh ama gingtute zosia'n kumtuang ah thi nawtlona i channa ding un hung piang ahi. Jesu Khrista pianni lopitak chu Christmas ni kiti ahin. Pathian hepina chu a chapa Jesu Khrista ah suklat ah a umna ni ahin, ama gingtute zosiate chu zia nilopi ahin kikaplo theilo i hiu.

Mihing pian bawn i lawp ua i kipak ua leh hukdampa piang ni hi lim in lawm in, i neisun sun in pak in pakna la sa'n lim in Christmas hun mang hitiu.

A kichaina'n Belampute'n kithawina dinga a belam ching uh nusia in lal chibai a buk un, zia gual a chun ei unle i umdan leh i hindan lui uh haisan hiti un, Jesu Khrista Lal thak chu ginna leh thilhi in zui

hitiu.

Saklam mipilte'n a gobawm ua thil mantam-Sana, Begaw leh Murate a piau ah chibai a buk gual un, ei unle lungthim sung ah i go mantam, Sana gual ah manpha, Begaw gual ah gimtui leh Mura gual a kha leh haksatna tawh muatthei leh setheilo i lunggil un hukdampa Lal Jesu hung piang hi chibai buk hitiu.

Lalpan simtute zosia lungthim thak i nei ua Khrista a dinga gobawm mantam tak uh i hawn theina ding un a thuneipan ei malzawl chiatta hen!

(Rev. Tongtinthang hi taksa upa tak, kum 93 vel ahita, tuni tianga article zik theina lai a um hi kipak um ma ma ziang hi. Tuhin a zi leh chate tawh D.Phailien in a um un, Central Church, KSP in a kikhawm hi).

vak lopitak amu phat un Juda gama Lal lopitak hung piang ding ahi ti ahia'u a chibai dingin a go thil te'u chawi in a chia ui. Tichun, nausen Jesu Khrista chu chibai buk in Sana leng kianga thilpiak etsakna, Begaw gimtui mi-hausa te'n a matsek uh leh Mura muattheilona, Jesu luang muatlo di etsakna thilpiak chu pia'n chibai bukim ava piau. Nang le la lungthim gobawm a bang la pediam?.

vii). Herod in lal hung piang chu a thangsiat ziakin tha agua, a sepai hangte sawldawk in kum ni nuailam nausen pawsal a thasak ah, himaleh Pathian in a hukdam ziaak in athat kha puai. Jesu makna a pian apat vana a kalto tiangin lei chungathilmak tamtak le a bawl hiti Bible ale a kimu'i.

Lemkuat pa ahina ziaak:

Eden huan ah Evi leh Adam in thil a sukkhial jiak ua Pathian tawh kikhentate chu Pathian cha i hikiteina ding un, nitum senlona gam hun taisanna lei ah mihingte tandawk dingin a hunga, thing

Kraws ah ahung thi, a thokit a vanlam ah a kalto tai. A thina thing Kraws in a etsak chu; lei leh van kawktua a, sim leh mal sak leh thang a kawktua hi. Zia chun leichung pumpi leh van a etsak hi.

Kumtuang pa:

Pa Chapa leh Thagau Thiangtho pumkhat ahin, kipat lim neilo leh tawp neilo ahi ziakin Jesu hi Pathian ah mi pathumte lak ah pakhat ahi ziaak ahin, kumtuang pa leh Chamna lal ahi. Pathian in dawitak a mihing a siam Eden huan ah um chu Setan in a thema, theiga neklo ding Pathian in ati chu Evi leh Adam in ala nek tak ziaak un kumtuang ah Pathian tawh umkhawm ding lai chu thu awilo ziaak in gitlo in thi dingin a um tau.

Kumtuang ah Pathian leh mihing kikhen ding lai chu mihingte'n kumtuang hinna anei kit theina ding uh leh gitlona khuk apat tandawk dingin Pathian in chapa Jesu Khrista, mihing ah hung pian sak in taddawna nasem dingin kingaitawm tak in Bethlehem bawng in ah ahung piang hi.

KHRISTMAS PHATCHUAM DAN LA NGAITUA NGAEM?

~Rev. K.Jama Vaiphei, Leilon Bial

Malai a khan Khristmas nuam takin I mang sek ua, Kumthak tawh mang galkai hial hial le I umsek ua, Thingtang leh Phai hi leh nuam I sathei ma ma sek ui.

Tulai hin bangma bangma hi a leutheu deu deu a khenkhat in December 25 hi Jesu pianni ahi tak tak puai ti pawl, Bible a Khristmas a um puai ti pawl le beilo, khatvei chu ei nel deu khat hin Bible ah Khristmas a um puai, a date amat uh hile a dik puai ei tia, ahi leh kenle Jesu hung pian thu Bible ah kigen hi la gingcha em? ti'n ka dawn a, I ka gingchai ti'n ei dawnhu hi. La gingchak leh kipak ziaka Khristmas la mat di ahi chu la, a date dik zaw gen di la I het diaklo ah apiang ngei hi ti I pawm tho chun mi matni chu lungawi taka i mat leh navak ziang hilo maw kati tai.

Khristmas matna Item chi chuam chuam:

1. Kisak lawkna-

Thil him him hi a tak a tunma I gal thillai nawp dan hi chi chuam kei khat ahi. Malai a Pathian awi til lai vel a Intin a Calendar a um ma chun, Pakbuang (Tangsâm) a hung pak phat le Khristmas a naitai ati sek ui. Phai gam chu Bu ki-at hakzaw leh le I vawk ni leh kithak lutzo ziang ahi. Thingtang gam ah chun Khristmas ma bu thakzaw tei tei di ti chu

mizosia tup chu ahi. Lo thai zawktheite zawka, Khristmas van chawk di, I pate Lamka chia hung tun di bang chu a kingakla thei ma ma hi.

Nungakte tuikhai di, Tangvalte pawlbuk sa di, Naupangte pawl pudi, Pate a hat deu deu Sial hawl di tite leh a dang dang a nuam thei ma ma hi. November/December apat hin nunawp lungthim (festive mood) a dim let tai. Sappau in gen len, Khristmas mang ding a Mentally, Physically, Spiritually a

kising sak lawk hun ahi.

2. Kikhawpna leh Lenkhawp-

Zia hi thagau lam a chi kitu hun ahi. I kipak laitak uh leh nuam i sak lai tak ua, Jesu pian di hillawkna thute, Mary leh Joseph kianga thu kigente, a pian dan leh a pian ma leh a pian zaw thil um chuam chuamte a thu kigen bep hilo a lâ I sakteu hin a lian a neu lungthim in mun a lua thûk ma ma hi. Khristmas leh Kumthak sunga lâ kisa zosia ei ma leh eima I hetlo kal ah Pathian thu I kigennau ahi dan chu- vak ngai-tua ma tiam u!

3. Luaitheana-

A nipi ni bawlo leh bawlte a ding in le Khristmas hun leh Kumthak hun a, Kochuamte Annek khawmna kua hem nuamsalo um? Biak In compound, Lentual, Biak In tang, khawi tak hileh Kochuam mipi alian aneu An I nek khawmteu hin eisu kipak a, kipumkhatna le a siam hi.

4. Kisum limna (Entertainment)-

Khristmas leh Kumthak sunuam diak khat chu kidemna chi chuam chuam, thu leh lâ

leh taksa kidemna I bawl sek-teu hi le ahi. Khaw khenkhat in malai ah tawt bawl thiam bang le khawdang apat in a chial gun hial sek ui. Mawllêk ah 'sazunbuk' naupangte kichu sak mai mai uh khi le thatnawp um tak ahi. Balloon kichu ti haw kha.

5. Kikhen a haksai-

Bang ziaka Khristmas, Kumthak zaw phat le Lawi leh Pâi, Insak Inthang kikhella diak sek I hiu em? Taksa leh Thagau ah, I kipawl khawm ua, thu leh lâ I kingai ua, hun nuam I matkhawm sawt ziak ua, taksa leh thagau a kingainatna hung hat ahi. Khristmas leh Kumthak bep ahi puai, Pathian awi tawm lai vang in, I pu I pateu Khawmpi mang le a kikhentheilo chang uh le a um sek a, Khawmual a lengkhawm den a Inlam a kile kit a revival tun khawlawna le a um sek hi. Sepai pangte'n le a nakhang ua khuang git he kawm kawm ah gam lam zawt haksaa sa ma ma sek ui.

6. Malai nunnawp thasang (Festival Substitute) le ahi-

Malai a I pi I puteu hun lai a, nunnawp chi chuam chuam ala neite'u Khristian

la sungin gam awptu ding hung piang ding ahi" ti imu'i. Mika hi BC 90 hunlai ah zawlnei ala hi tai.

Chanchinpha Luka zik a vansawlchak in Mary kiangin, "Nau hun vawp inla tin, chapa hun nei ding la hi. Amin chu Jesu la sak ding ahi. Ama chu mithupi tak hung hintin, chungnungpen chapa hung ti ding ahiu. Lalpa Pathian in a suantu, David Lalchutpha pe ding ahi" ati kit hi" (1:31,32).

Thuthungthak hunlai a Jesu hung piandan a phunggui in Abraham suan Juda phunga pawsal lam in Juda chun a monu Samari tawh ahin uh ahi chun Solomon in Bethsebi chuleh Moab mi Ruth ahi. Leng David leh Leng Solomon jiate hi a suantu khenkhatte ahiu.

Hun nununga Mary nungak thiangtho sungin Thagau Thiangtho gai sak in Jesu Khrista ahung piang hi. Juda dan in mi zawl gai chu suang a selup ahisek ui. Himaleh vansawlchak gen gual in a pawsal dingin Joseph ala hia, zia chu chunglam thilhitheina'n a liakhuna a hi.

(b). Jesu pian tuam ah apat zillai:

- i). Amin mak ahina hi mihing sunga Thagau Thiangtho mihing a hung kisiam, Pathian chapa chu mihing gitlo tandawk dinga a hungna ding a chun a Pathian hina lopitak tawh hung leh mihingte'n lau in tin uh, a kiang un thugen theilo ding ahiziak in mihing ah hung piang ahi.
- ii). Mary chu Juda dan in a zawlgai chu suanga selup ahilona ding in chunglam thil hitheina'n a liakhuna chu van sawlchak in Mary kichenpi lau kin tia a gen hi ahi.
- iii). Jesu a pian in Belam chingte chibai buk in ava chiaua, jia a belum chingteu hi gam gamla tak apat kithawi dinga Jerusalem a hungte a dinga a chawka amat jiang ding un ala kawi piak uh a hi.
- iv). Van lam ah Angelte'n le chungnungpen a Pathian lopi henla leichunga a kipakna mamate kianga chamna leng hen tin ahun gen ui.
- v). Belampute'n nausen chu a chiaua ava mu ngei ui.
- vi). Saklam mipilte'n le Aksi

LAL THAK CHIBAI BUK HITIU

~Rev. Tongtinthang, Central Church

Ahung kipat dan-B.C leh A.D kikhen dan, B.C chu before Christ tina ahi. A.D chu ANNO DOMINI (A.D) hi Jesu pian apat kisim ahi. B.C hi Jesu pian ma hun tina ahi. Jesu thi a Jerusalem Temple puan zak a lai ah kithêk khan thuthunglui ah Pathian ho dan a suktawpna ahi. Ziaziak ahin thuthunglui leh thuthungthak kipeltua ahi. Jesu thi nung in ama gingtute chu Antiokei khuân Khristian akiti tau.

Khristiante chun Khrista pian champha hi ahun lawm nuam tau a, himaleh zia hunlai a chun Leng Tammuz kiti pa B.C hun lai ah piang chu a pian champha ulsun takin a lawm sek ua, ziaziakachun Khristian te'n le Khrista pian champha chu 25th December ni ma chun Christmas ala mang tau. Aziak chu Khristiante chun Lengpa pianna lawpna chu a chaw buailona ding un ti ahi. Jesu pianni diktak chu hiatchian ahi tapuai.

Gam khenkhat in Christmas hi January nithum in amang ua, mun dang in 6th January inle a mang ui, himaleh a tangpi'n 25th December ni'n a kimang hi. Calender inle Christmas 25th December hi a kikawi tai.

(a). *Tuchung Sermon Christmas:-*

Khristian tampite'n Christmas hi Jesu pianni ti'n a kimang a, khawvel mi tamtak in Khrista migilote hukdam ding ah hung piang hi i gingcha'u a, a pianni chanpha i lawm ua, ama i chawihawi uh ahi. A pian thu Bible ah chanchinpha bute hin hawitak in ala zik ua, i he tau ahi. Thuthunglui Isai 9:6 in *"Ei uh a dingin nausen ahung piang a, chapa piakin i um un, amin a chun mak lemguattu kumtuang Pa chamna Lal"* ti ahi.

Zia hi a pian masang ah Jawlnei Isai in B.C 80 hunlai vel ah ala gen a hi. Zawlnei Mika'n le *"Aw nang Bethlehem khua Judai gam ah mi Juda khawpita lak in neupen puan la,*

I hung hi phat ua I sut zawp takloteu haw thasang a, I kinepnau leh I nunnawp uh ahi tai. Ziaziakchun, mun chuam chuam ah umte le zia hun ahin Inlam, I khawlam I del ua, a chia theilote le I da thei ma ma ui.

7. *Khaikhawmna-*

Khristmas hi I ginnau kibulphuna (Foundation) ahia, Pathian Thu leh La kizilna hun leh hetna kibelapna hun ahi. Khristmas La a gun ah zil kha I um puau a, I Nu leh Pa, Pi leh Pu leh I chung a mite

sakna leh genna I neulai ua pat kumsin leh I hun heu a, I het be zel ua, zia chu I ginnau in a hun khaikhawm ahi. I thisan ua hung bek ahi. Ziaziakchun, Khristmas, Kumthak, Good Friday, Esther Sunday leh a dang dangte hi I matnau a pat a um zia (a significance) I hiau a, I ginnau tawh gawp a um sek ahi. Zia haw hi manglo in Khristian hi ringawt taleu hin, I ginnau leh I Pathian thu het dan uh hi bang gualin a niam in a tasam ta diam?

.....xXx.....

AMA CHIBAI BUK DING AH HUNG KA HIU

By: S. Pauthiansang, Serampore College

"Khawi ah a hem Judate lengpa hung piang chu? Sualam ah a aksi chu ka mu'u ah, ama chibai buk ding ah hung ka hui," a tiu a. (Mt2:1-2)

Sualam a mipilte'n Jerusalem ah i Lalpau Jesu Khrista chibai buk ding ah kal asuan dan uh leh apan lak dan uhi i vak ngaitua ahi chun, lungthim akhawi khawp mai ah. Ginum tak leh kukal tak in amu masang sia'u ahawl tun tun un, mu tei tei gua in pan ala'u hi. Ka ngaitua sek ah, apan lak dan uh le akukal dan uh hi et tawntak kasa khawp mai ahi.

Ei mau ngei le, I masang chau ah i Lalpau Jesu Khrista pian chanpha lawm ding ah i ki singsak nau ahin, bang gual in i Lalpau Jesu Khrista hi chibai buk ding ka hem ti leh bang gual ah ala lamtua ding ka hem, ti i kisingsak lawk theina ding un, sualam mipilte i Lalpau Jesu Khrista chibai buk ding ah ahung dan uh leh apan lak dan uhi chawmchan vak en khawm leu hin i nuam ahi. Amasa pen in:

i) Kipumpiakna:

“Sualam ah mipilte Jerusalem ah a hung un”: (Mt 2:1).

Sualam a apat mipilte Jerusalem zuan ah ahung nau agamlat leh gamlatlo chungchhang hi chian tak ah vak het ziang thei hilo maleh, Jesu Khrista chibai bukna ding ahin tha leh zung tamtak sengin kal ahung suan ui ti hi chiantak in muthei in aum ahi. Zia bep chule hilo in, nuatsia nei in Nausen chibai buk ding in kal ahung suan dawka ua. Mani nawpsakna mun leh mani In lumte nusia in Nausen mu anawp zia un, kipumpiakna lungthiam tawh, tha leh zung tamtak seng in kal ahung suan uh ahi. Nausen

chu amu ding uh leh mulo ding uh le hemasalo in, sualam apat in Jerusalem ahung zuan un, tichun, amu masia’u gunchu tak leh kukal tak in a hawl tun tun uh kha ahi.

ii) Kukalna:

“Khawi ah a hem Judate lengpa hung piang chu?”: (Mt 2:2).

Sualam mipilte’n Jerusalema mi kua ahem khat, ahilo leh lengpa Herod kiang ahem ah zia thu hi ava dawt uh chu hi ngei ding uh ahin. kua kiang ah adawt uh ahi ti vang hetchian hilo maleh, zia thu dawtna ahin Jesu Khrista chibai buk ding ah sualam mipilte’n gunchu taka pan alak dan uh leh akukal zia’u chu nial gualo in mu thei in aum ahi.

Mitamtake’n zia dawtna hi, mipilte’n lengpa Hero kiang ah ava dawt uh hiding in aging chau ah, maleh khenkhat ngaidan in chu Herod kiang khel khel hi ding in akawi puau hi. Jerusalem a mi kua ahem khat pen pen kiang ah ava dawt uh hiding in agingchau ahi. Akhawi abang chu hitaleh chibai buk aguat pen uh leh chibai buk anawp pen uh chu ava mu ziang puau ah, maleh lungthuui diak-

lo in amu masang siau chu mite panpina kinem kawm in kukal tak in ahawl tun tun tamai ui. A ngaituana’u leh a lungtup uh mualsuana ding ahiphawt chun, a kimvel ua mite chu dawng in, pan ala’u ahi. Alungtup uh a mualsua theina ding uh leh chibai buk anawp pen uh chibai abuk theina ding un, bang gual lampi hiziang leleh lampi um taphawt chu bawl in mulo khak ding lau mama kawm in gunchu tak leh kukal tak in apang uh ahi.

iii) Kisingsak lawkna hawitak:

“Bawkkhup in chibai a buk ua, a gobawmteu hawng in, kipakna thilpiak sana, begaw leh murra a piau a” (Mt2:11).

Zia tak ahin, sualama mipilte thilpiak lampang sang ahin, nausen lawm ding ah a kisingsak lawk dan uhi lungthim khawi zaw in ka he ahi. Nausen chibai buk ding ah kal ahung suan nalampiu hi bang chan a gamla ahem ti leh bang gual ah hung kipan dawka ahiu em ti vang aki hiatpi khel pua, chuleh lamkal ah bangual tiang ah haksatna ahung tuak diam uh tile ihiat pi diaklo ahi. Ahinla thil pakhat hiatpi thei

inei uh chu ahileh: Nausen chu amu ding uh leh mulo ding uh hemasalo in, amu hun hun ua kipakna thilpiak piak ding ah ala kisingsak lawk dan uhi ahi. Nausen chu mu nailo maleu, ‘mu ngei ngei ding ka hi’ ti ki ginglalo hial in kal ahung suan un, tichun amu hun hun ua piak ding in a nei lulpen uh sana, begaw leh muura le hun akeng khawm ngal uh ahi.

A tawpna ding in, Jesu Khrista chibai bukna ding ahin bul pat dik leh kisingsak lawkna hawitak nei hi a pawimaw khawp mai ah, mu ngei ngei ding ah kukal tak ah panlak le a pawimaw bawka hi. Chuleh mu hun hun ah chibai buk thei dinga kisazo sa um leh mani kipumpiakna hi akul ahi. Zia gual ma chun, kisingsak lawkna hawi tak leh kukalna lungthim puzing kawm achun, mipilte chu Jerusalem khua ah a valut un, Nausen mel chu munailo maleu, nausen chu apiang ngei hi ti ginglalo hial in “Khawi ah a hem Judate lengpa hung piang chu? Sualam ah a aksi chu ka mu’u ah, AMA CHIBAI BUK DING AH HUNG KA HIU,” a tiu a.